



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-16-5-80-37/19

Datum: 6.2.2020 godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

ODLUKU o izboru najpovoljnijeg ponuđača

Član 1.

Najpovoljniji ponuđač u postupku javne nabavke usluga osiguranja motornih vozila, objavljenom na *web* portalu Agencije za javne nabavke Bosne i Hercegovine, broj Obavještenja o nabavci 1110-1-2-75-3-67/19 od 5.12.2019. godine, za koju je primijenjen otvoreni postupak, je **Sarajevo osiguranje d.d. Sarajevo**.

Član 2.

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Na osnovu provedenog postupka nabavke, Komisija za provođenje postupka javne nabavke je konstatovala je da je rok za dostavu ponuda 8.1.2020. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristiglo pet (5) ponuda i to ponuđača: Osiguranje Aura a.d. Banjaluka, Dunav osigunje a.d. Banjaluka, Sarajevo osiguranje d.d. Sarajevo, Drina osiguranje a.d. Filijala Banjaluka, Wiener osiguranje Vienna Insurance Group a.d. Banjaluka. Neblagovremenih ponuda nije bilo.

Prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda Komisija je izradila Zapisnik o pregledu i ocjeni ponuda, a u kojem su detaljno obrazloženi razlozi za izbor najpovoljnijeg ponuđača.

Zapisnički je utvrđeno da svih pet (5) ponuda ponuđača ispunjavaju sve zahtjeve u pogledu opisa predmeta nabavke i tehničkih specifikacija.

Komisija je konstatovala da ponude ponuđača Sarajevo osiguranje d.d. Sarajevo i Wiener osiguranje VIG a.d. Banjaluka sadrže računске greške, te su ovim ponuđačima upućeni



zahtjevi za prihvatanje ispravki računске greške. Oba ponuđača su prihvatila izvršene ispravke utvrđenih računskih grešaka.

Ponuda ponuđača Sarajevo osiguranje d.d. Sarajevo je sa cijenom ponude za više od 20% niža od cijene drugorangirane prihvatljive ponude, te je ovom ponuđaču uz zahtjev za ispravku računске greške dostavljen i zahtjev za obrazloženje neprirodno niske cijene ponude. Komisija je obrazloženje cijene ponude ponuđača pristigle u njegovom odgovoru ocijenila opravdanim.

Analizom ponuda, pristiglih odgovora ponuđača i nakon održane okončane *e-aukcije*, primjenom kriterijuma najniže cijene, Komisija je utvrdila da je najpovoljnija ponuda ponuđača Sarajevo osiguranja d.d. Sarajevo, sa ukupnom cijenom od **14.817,03 KM bez PDV-a**, te s obzirom da ista u ekonomskom i tehničkom smislu u potpunosti zadovoljava zahtjeve Agencije data je preporuka da se donese odluka o izboru ovog ponuđača za najpovoljnijeg.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR
Dr. sc. Arif Nanić

дигитално потписано / digitally signed